

欽定四庫全書

子部

聖濟總錄纂要卷二十三



詳校官太醫院醫官臣姜晟

編修臣倉聖脈覆勘

欽定四庫全書

聖濟總錄纂要卷二十二

傷折門

打撲損傷

論曰打損撲傷或焮腫疼痛或血出不止外須以貼熨  
塗傅內須服去瘀血養肌肉和血氣之劑次則生肌斂  
口傅之以俟平復此治損傷之大法也

休寧程林纂

骨碎補散 治打撲損傷筋骨皮肉發熱疼痛

骨碎補 白芷 乳香油去 生地 當歸一兩

澤蘭葉 川芎 桂心 桃仁五錢 甘草

附子一分

共為細末温酒調下三錢頃又服

地黄湯 治墜墮傷折手足痛

生地 川歸一兩 阿膠 白芍兩半 川芎

熟艾一兩 骨碎補一兩 桂心 甘草五錢

水煎五錢溫服日二

二奇湯 治打撲損傷

威靈仙 骨碎補

各五錢

作一服酒煎盡量飲蓋暖出汗即愈

回生散 治打撲損傷疼痛

大茴 官桂 烏藥 紫荊皮 甘草

各一錢

右為末每服五分好生酒送下盡量飲取汗避風瘦  
人三分大便出血即愈

### 被傷絕筋

論曰被傷絕筋者須觀其輕重治之接續之法要在氣血未冷之際外用續筋止痛藥傅裏內兼服藥調治庶幾可救緩則風冷入于裏則難治矣

聖功散 治筋骨傷折疼痛不止接骨續筋

硃砂 明雄 乳香 沒藥 俱去油 各一錢

麝香 一字 土鳖 十枚燒酒浸死焙乾

右為細末磁餅封貯勿令洩氣用時強盛人服一字

瘦弱人服半字燒酒調下未愈再服

沒藥散 治跌打損傷骨折筋絕

乳香油去油

沒藥油去油

琥珀二錢

土螿

三箇燒酒浸焙

明礬一錢

硼砂一錢

麝香三分

半兩錢

一箇醋淬七次

蟹爪肉

熟三錢

活牛角

刮取炒黃色二錢

右為細末每服五分白酒送下在下部食前服在上

部食後服

諸骨蹉跌

論曰諸骨蹉跌者墜墮倒撲傷折致諸骨蹉跌治之須扶骨對正用止痛生肌接骨之劑封裏內服藥調治倘骨碎者便當出之否則膿血不絕肌肉亦不能收斂則難愈也

接骨紫金丹

乳香

炙去油

紫荆皮

骨碎補

大黃

血竭

歸尾

硼砂

土螿

燒酒浸死瓦焙乾

自然銅

煨淬七次各一兩

右為細末每服七分半熱酒調服其骨自接 此方

治打撲骨折瘀血攻心發熱昏暈其瘀血自下吐血等  
症皆可服之如骨接而諸症未去者去土螫自然銅  
更服五分即愈

### 傷損止痛生肌

論曰傷折之候皆因刑杖跌撲損傷或焮腫痛或血出  
不止大抵最忌服冷物恐血凝入心之故內服之劑要  
在溫補和血止痛為主至於斂口生肌之外用豈可偏  
廢哉

虎骨散 治打撲損傷疼痛不止并治筋骨疼痛血風

走注疼痛皆治

虎骨 炙

自然銅

醋淬七次

地龍

水浸晒乾

牛膝

漏蘆

延胡索

威靈仙

龜板

炙

桂心

當歸

各一兩

共為細末每服一錢煖酒調下

生肌散

治打撲墜墮損傷諸骨蹉跌筋絕血出疼痛

不止傅之即愈并治一切癰疽腫毒膿水將盡時用之

去腐生肌金瘡刀斧傷血出疼痛不止者傅之神妙

白蠟 合歡皮 乳香油去 赤石脂煨 沒藥去油

血竭 海螵蛸去殼 雄黃 龍骨煨 兒茶

獐腦各二錢 土螿焙乾三枚 蟹爪肉熟 白芷

枯礬各一錢 硃砂一錢 麝香一字 金箔許少

右為細末磁罐收貯每用少許傅傷處立能止痛止血合時須五月五日或天醫日合為妙

傷折貼燻并膏藥

論曰傷折之症輕則肌膚腫痛重則肉脫血出既整其骨內服去瘀生肌之劑外必以貼煖膏藥并用可也

接骨方 治打撲墜墮損傷手足骨折

用雄雞一隻約一斤重者生去毛生去爪嘴開腹底乘生氣即搗爛用五加皮研末和入搗之以勻為度勿太爛勿過乾用時先以五加皮煮無灰老酒飲至極醉將骨折處用手按平將雞藥傅上棉帛縛之如今日此時縛至明日此時解開其骨即生滿矣如過

一時其骨即長一寸 如骨接後而尚痛者以黑豆炒焦色用老酒沃之搗爛傅上半日一換

糟米塗 治跌打損傷疼痛

糯米一升 酒麩三九

將糯米煮熟如飯入酒麩和勻乘熱塗上用帛封裏三日一換酒香即愈

龜板膏 治打撲損傷疼痛

敗龜板一枚  
燒灰

虎骨燒灰

白芥子 生大黃

川歸五錢

滴乳香灸

沒藥灸一分

右為末研勻用小黃米粥攤帛上摻末一匙裏損上以竹片夾定繩縛七日

雜療門

中藥毒

論曰炎帝嘗百草而著本經分上中下三品聖功極矣漢唐以來漸增致千百種之繁蓋無毒之中而有有毒者後代庸民去聖已遠不審良惡偶誤餌之經云有病

病當無病胃傷不急救之漸致危斃古方用甘草菜豆能解諸毒亦用諸藥而各相制伏者

冬青汁飲 解砒霜毒

先用白蠟為末和新汲水服之護其腸胃仍以冬青葉搗汁灌之以大便去毒為度如冬月無葉以根搗汁和水代之

解中砒霜方

羊血 雞血

各一  
鍾

和勻服之

又方

稻稈

燒灰新汲冷水淋汁濾清冷服一碗毒即下

黃連湯 解中巴豆毒

黃連

黃栢

各五錢

水二升煎一升候極冷服之忌服熱物仍以冷水浸兩

手

又方

寒水石

一味為末煮汁飲之

解烏頭附子天雄毒

遠志

一兩

防風

五錢

水煎汁飲之

服諸石藥中毒解方

白鴨屎汁

水和服之